

PRAYER

- Ipagdasal mo na ang iyong pamilya ay lubos na magpasakop sa pagiging Panginoon ni Kristo at na maging matiwasay at matibay ang inyong ugnayan sa isa't isa.
- Humiling sa Diyos ng kakayanang mahalín at igalang ang iyong asawa o mga magulang ayon sa nakasulat sa Kanyang Salita.
- Manalangin para sa pagkakabati-bati ng iyong mga kapamilya, kamag-anak, o mga kakilalang nangangailangan ng pag-aayos sa kanilang mga relasyon.



Pinahihintulutan ang pagkopya ng lathalaing ito na galing sa Victory® para sa kagamitan ng lokal ng simbahan.
Karapatang Pag-aari © 2010 ng Every Nation Leadership Institute
Inilathala ng EVERY NATION PRODUCTIONS
P.O. Box 12229 Ortigas Center, Pasig City, Philippines

FILIPINO



Machonurin

Week 3

NOTES

CONNECT

- Ano ang isang bagay na kinalulugdan mo sa iyong asawa o magulang?
- Anong mga gawain ang nasisiyahan kayong gawin ng iyong asawa o pamilya? Bakit?
- Sa iyong pamilya, sino ang karaniwang may huling sabi? Magbigay ng mga halimbawa.

WORD

WHAT

What does the Bible say?

²¹Magpasakop kayo sa isa't isa, bilang pagpaparangal kay Cristo.

²²Mga babae, magpasok kayo sa inyo-inyong asawa, na gaya ng sa Panginoon. ²³Sapagkat ang lalaki ang namumuno sa kanyang asawa, gaya ng pamumuno ni Cristo sa Kanyang katawan, na walang iba kundi ang iglesia. At Siya ang Tagapagligtas nito. ²⁴Kaya kayong mga babae ay dapat na sumunod sa inyo-inyong asawa sa lahat ng bagay, gaya ng pagsunod ng iglesia kay Cristo. ²⁵Kayo namang mga lalaki, ibigin ninyo ang inyo-inyong asawa na gaya ng pag-ibig ni Cristo sa iglesia. Dahil dito'y ibinigay Niya ang Kanyang sarili . . .

Efeso 5:21-25

Natatawag na “machonurin” ang isang Pinoy kapag ang kanyang pamumuno ay nasupil sa pamamahay at ang babaeng asawa ang may huling sabi sa pamilya. Pupwedeng dahil ito sa masamang pag-uugali o pagkatao, ngunit kung maiintindihan lamang at gagampanan ng mga mag-asawa ang kani-kanilang mga papel at responsibilidad ayon sa Salita ng Diyos, mapapalakas nito ang pamilya. Ano ba ang sinasabi ng Bibliya patungkol sa papel ng mga lalaki at babaeng asawa?

- **Ang mga lalaki at babaeng asawa ay dapat magpasakop kay Kristo.**

Ngunit ibig kong malaman ninyong si Cristo ang namumuno sa lalaki at lalaki ang namumuno sa babae, at ang Dios ang namumuno kay Cristo.

1 Corinto 11:3

Kapag ang mga asawa ay nagpasakop sa pamumuno ni Kristo, sinusunod nila ang orden ng Diyos para sa pamilya at matatamasa nila ang matiwasay na pagsasama. Ibig sabihin, mamumuhay silang sinusunod ang kalooban ng Diyos at hindi ang kanilang kagustuhan. Samakatuwid, tulad ng pagkakaroon ng awtoridad ng Diyos sa lalaki na dapat niyang igalang, ang lalaking asawa ang naatasang mamuno sa pamilya na dapat namang igalang ng babae.

- **Dapat mahalín ng mga lalaki ang kani-kanilang asawa.**

Kayong mga lalaki naman—mahalin ninyo ang inyo-inyong asawa, at huwag kayong maging malupit sa kanila.

Colosas 3:19

Ang pangunahing responsibilidad ng lalaki ay ang mahalín ang kanyang asawa—magpakita ng pag-aalala, kabutihang loob, at pagsasaalang-alang sa kanyang nararamdaman. Kapag nagampanan niya ito,

madali na lamang para sa babaeng asawa ang magpasakop sa kanya (Efeso 5:25; 1 Pedro 3:7,8).

- **Dapat igalang ng mga babae ang kani-kanilang asawa.**

Mga babae, magpasakop kayo sa inyo-inyong asawa, gaya ng nararapat sa paningin ng Panginoon.

Colosas 3:18

Ang ibig sabihin ng pagpapasakop dito ay isang gawaing dapat ay bukal sa kalooban ng babaeng asawa bilang tugon sa pagmamahal, pagkatao, at pagiging totoo ng lalaking asawa. Ang pagpapasakop ng babaeng asawa ay hindi dapat sapilitan kundi dapat sumasang-ayon siya na tulad ng ibang institusyon, ang kanyang pamilya ay nangangailangan din ng pinuno at ang papel na ito ay binigay ng Diyos sa lalaking asawa. Ang pagpapasakop ay isang akmang regalo bilang tugon sa maka-Diyos na pamumuno.

SO WHAT

What is the relevance of the Word to my life?

- Papaano ninyo masisiguro sa inyong pamilya na ang inyong mga buhay ay laging napapasakop sa pamumuno ni Kristo?
- Kung ano man ang papel mo sa pamilya ngayon (asawa o anak), anong pag-uugali ang pupwede mong baguhin upang mas mapalakas pa ang mga ugnayan sa inyong pamilya?
- Sa anong paraan mo lalo pang mabibigyang-galang o pagmamahal ang iyong asawa o mga magulang?

NOW WHAT

How do I apply the Word to my life?

- Anong gawain ang pupwede mong simulan ngayong linggo sa iyong pamilya upang iayon ang inyong mga buhay at desisyon sa kalooban ng Diyos at sa Kanyang Salita?
- Ngayong linggo, sa aling paraan mo maipapakita ang iyong respeto at pagpapasakop sa pamumuno ng iyong asawa o tatay?
- Ano ang magagawa mo para sa iyong asawa o nanay simula ngayon upang maipakita mong mahal mo siya?